

中華基督教青年會

中華民國三十六年十月在杭州舉行

第九屆全國幹事大會紀念冊

杭州遊覽手冊

杭州中華基督教青年會謹贈

杭州中華基督教青年會導遊社專刊

◎ 杭 州 遊 覽 手 冊

雷法章題



杭州遊覽手冊

國父遺訓

中華基督教青年會二十五週紀念會勉辭

目次

歡迎詞

序

杭州簡圖

一 浙江杭州與西湖

二 遊覽行程與應看何物

三 杭州名勝古蹟簡志

四 杭州之宿食娛樂

五 杭州之交通

六 杭州之特產

七 杭州之基督教

八 杭州中華基督教青年會

九 杭州簡要地址錄

十 書目

備記

(頁)

一

一一

一四

二七

三二

三四

三六

四四

四八

五三

念會勉辭

青年會者乃以團體而服務個人者也。合千萬完全人格之青年，爲一共進互助之團體，諸君之責任重矣。統觀中國今日之團體，其結合之堅，遍布之廣，發達之速，志願之宏，孰有過於中華基督教青年會乎？余既有望於青年會之深，而不禁勉青年會諸君之切也。諸君既置身於此高尚堅強宏大之團體，而適中國此時有倒懸待救之人民，豈不當發其宏願，以救此四萬萬人民，出於水火之中而登衽席之上乎？中國基督教青年會其勉旃！毋負國人之望！

歡 迎

中華基督教青年會第九屆全國幹事大會在杭開會

杭州中華基督教青年會會長雷法章

中國基督教青年會於世界先進各國雖爲後起，然自肇基以來，愈拓愈廣。諸大都會姑弗具論，舉國城邑，縱至偏小無會所設置，殆莫不有青年會員在焉。本會揭櫫德智體羣四育。智育所以灌輸科學智識，體育所以倡導健身運動，羣育所以養成合作與互助之風向，而德育特重精神之修養，由日常倫紀品性，進而默契宗教上無上之感召，相率以博愛平等自由之真理，自勵勵人。青年會之主旨在此，其所以能受吾國青年之嚮慕，聲氣相應，良非偶然。今我青年會第九屆全國幹事大會在杭舉行，固將大有造於全國青年，而杭之青年近接言論風采，其所裨益，必又可矧。

吾國以三民主義立國，施行憲政，近在指顧；行見民主政治，將於東亞史開一新頁。然制度之推行，特其見於表者，至其實效如何，仍視奉行之精神而定。

青年會既自歐美輸入羣育，吾國青年經其陶冶已非朝夕，今又適於憲政將屆實施之時，定期舉行幹事大會，以「基層建設與青年會幹事」爲討論中心題目，必能配合國家大政方針，當前社會需要，發抒崇論閎議，指示青年以應循途徑，而競起爲民主政治之羽翼。此吾應爲全國青年敬致其歡迎之誠者也。

國父孫中山先生以八德詔國人，仁愛和平著爲條教。歷覽前史，在浙言浙，隋唐間之汪吳王（華），五代之錢吳越王（鏐），輕名位，鄙爭奪，浙之人民，翕然從之，先後一轍，皆足爲浙人美德之明徵，洵可與語國父之八德矣。青年會以德育教人，平居於博愛之旨，發揮不遺餘力，又擇地於杭州舉行幹事大會，必有嘉謀嘉猷，使吾浙中青年，就其固有之美德，日益發揚，而吾杭州青年會今後宣闡主旨，尤將收事半功倍之效。此吾應爲杭州青年敬致其歡迎之誠者也。

抑有進者，大會舉行之地，在杭州市郊之玉皇山。是山左江右湖，迥出塵囂之表，環境之幽靜，空氣之清新，於西湖烟水之外，別有天地。諸同工會集於此，開拓心胸，自抒杼袖，高論風發，妙緒泉涌，有得於江山之助，將非淺鮮，而間接即亦大有造於我全體青年，此則於歡迎之餘，又引領寄有無窮之鑒望焉。

序

王揆生

杭州西湖爲我國第一名勝，千百年來國人無不以一遊爲快。卽國際人士之遠道前來覽勝者，自元代馬可孛波以還，與年俱增，今且益盛。杭州中華基督教青年會於抗戰勝利後復興伊始，鑒於中外人士及各地青年會會員來杭遊覽湖山者之激增，故於社會服務部內附設導遊社，非營業獲利也，乃爲減少遊客生疏之苦，而增加其遊覽獲益及考察便利故也。除蒐集有關浙江杭州西湖各種書籍資料，特爲分別陳列以便閱覽外，茲復編輯本書名曰『杭州遊覽手冊』，以代嚮導講解之繁。查杭州西湖遊覽指南之書，種類甚多，其佳者固不少，但多失之瑣雜冗曲；不知遊客多數只能有一二日之逗留者，不能亦不需遍覽全境。本書之作卽以此種之遊客爲對象。夫欲節省時間勞力而求其最低限度之遊覽行程，幾爲不可能之事，誠無法可令人滿意。但倘只有一二日短促時間在杭者，不能謂其無可遊或無可看也。是以提綱絜領，去繁除蕪，求其簡明之指導，或亦遊客所樂聞者乎。本書既非專志，亦非指南，只大體上就杭州之史地、名勝、宿食娛樂、交通、特產等


，限袖珍本五十餘頁半小時以內可閱畢之編幅內，作扼要簡明之介紹，故不名之爲導遊，而曰手冊。邇來遊客中多有來會查詢本地教會或本會狀況者，爰附杭州之基督教及本會兩章，以爲解釋。書末書目，所以便研究參考。併附空白數張以供雜記。

本書出版時適逢中華基督教青年會全國第九屆幹事大會在杭州玉皇山開會，與會代表來自天南地北，集合於湖上之名山，爲抗戰勝利後，初次之敍集，不可謂非盛事。本會誼屬地主，謹以此書之初版作爲大會紀念冊，以贈送與各地嘉賓，聊表歡迎之微忱。書既出版而索閱者衆，故爲再版，以公同好。

此書由本會副總幹事葉華荃牧師編撰。葉牧師治歷史及人類學，向居海外，頗有聲譽於國際學術界。此次於一週內趕期成稿，不謂不捷。但錯誤遺漏，勢所難免，然本書爲嘗試，故亟待指正，總冀此後再版時有所增補訂正，俾能臻於美備，以符本會服務社會之宗旨。博雅諸君，進而教之，尤感幸無涯矣。

中華民國三十六年十月一日王揆生序於杭州中華基督教青年會總幹事室。

杭州簡圖



例圖

青年會
教堂

汽車路
小路

一 浙江杭州與西湖

浙江省以境內之大川浙江（今稱錢塘江）而得名；浙者折也，潮出海，曲折而倒流，故名；山海經記大禹治水至浙河，莊周曰，浙河之水，濤山浪，雷擊霆碎，有吞天沃日之勢者即是。上古爲揚州地。夏禹周行天下，歸還大越，登芳山，改其名曰會稽，以會諸侯；會稽卽今紹興，禹王墳在焉。時防風氏因後至而被誅，防風國卽今湖州地。少康帝時封少子無餘於越，是爲本省稱越之始。春秋時越國已顯露頭角；勾踐之世，國境南至今之諸暨，北至今之崇德，東至今之甯波，西至今太湖。吳王夫差滅越而卒爲越所滅；最後則併亡於楚，計其傳國不下一百一十三年焉。此中歷史，佳話不少，若外交家伍子胥之哭師秦庭，若蕺山（在今紹興城外）之『臥薪嘗膽』，若傾國女郎西施之『進忠退孝』，若義臣范蠡文種之『十年生聚十年教訓』，皆千古美談，而亦本省上古史上最生色，最光榮之一段也。中古之後，文物蔚起。晚唐置浙江東西兩道，『浙江』二字始正式成爲名詞，而習俗所稱之『兩浙』，亦淵源於此；浙江東道有越明台溫括婺衢睦八州

，西道則有湖蘇（指今嘉興境）杭三州，合計之爲十一，爲明清省境分十一府制之胚胎。唐末中國大亂，錢鏐建國於杭州曰吳越，號武肅王，傳五世凡九十八年，始統一於宋。宋時浙江文化已盛，蘇東坡之仕守杭州也，爲西湖生色尤不少，蘇堤即其所建者也。公元一一五九年金兵南犯，高宗遷都於杭州，改名曰臨安，是爲南宋。中國京城設在此者歷一百五十二年至於宋亡。元初改制分中國爲十一行省，有江浙行省者，本省亦包括於內。明初改劃爲浙江行省，分置十一府，清因其制，以迄民國。今全省有一市七十六縣，省會仍設杭州市。

本省地勢因南嶺餘脈自閩邊陲降海邊，故西南高而東北低。面積一〇二・二八一方公里，爲我國除台灣東北外最小之省份。人口二〇・四四七・三〇四人，中有畚族散居南部山中。語言則杭州附近用杭州官話，浙西通行松江話，東部沿海用寧波話，溫州等處各有其特殊方言。物產豐富，茶絲酒火腿木器等均極有名。

杭州市面積二五一方公里，人口四二四・三五六人，爲華東文化工商重鎮，兼以西湖聞名於天下，故有『花園都市』之稱。相傳夏禹治水至此，溪壑濬回，

乃造杭以渡，嘗於此處登陸，越人思之，因名其地曰杭；杭者方舟也。秦始皇統一中國，建縣治於此曰錢塘。時海潮爲患甚烈，有謀築塘者，而泥遠難致乃堆錢於塘，出令曰限三日饋泥一担者易錢千，衆觀望不信；明日又號於衆曰泥一担錢二千，衆稍稍至。然得泥猶不及千担。至三日，又增其值曰以十千易泥一簣。全城如狂，無論老幼皆荷泥而至。及暮，錢亦匱，至者猶繼續不已，乃曰吾有限日，未嘗謀夜，今雖有泥，無所用之，胡不負歸。衆大失望，盡棄其泥於江干，頃刻間積堆成塘。西漢仍稱爲錢唐縣。後漢廢縣治，歸併入餘杭。隋文帝改名曰杭州，是爲『杭州』一名正式稱用之始。煬帝改爲餘杭郡。唐以唐爲國號，改唐爲塘，仍稱錢塘。五代梁置爲仁和縣。十國時武肅王錢鏐建吳越國，奠都於此，稱爲西府，又稱鎮海軍。宋初仍稱杭州，以錢塘仁和爲首縣。高宗南渡，遷都於此，稱曰臨安府。錢氏五王，南宋七帝，均建都於此。元改稱杭州路。明稱杭州府。清因之，以杭州爲浙江省會，爲十一府之一，轄縣九，卽仁和錢塘富陽新登餘杭臨安於潛昌化海寧。民國廢府，併仁錢二縣曰杭縣，仍爲省治。十六年五月改稱杭州市。今市區以外仍置杭縣。

杭州一名虎林，唐初避諱改爲武林，今西大街一帶猶稱武林門，而祖山寺內高不逾丈之土阜俗呼祖山者，又稱之爲虎林山。據傳萬松嶺有虎傷人，閭里患之。有老人者自告奮勇，徒手入山撲虎。老人揚手而虎仆地，又揚左手虎遂不動，擒之虎已斃。問其故，老人曰是沙虎也，蓋鯊之所化，故周身堅甲，不畏水火刀劍，獨雙目柔脆，吾得攻其隙耳。言已仆地大嘯，化虎而去，鄉人念其德，葬其衣蛻，故曰虎林。此種地方民俗傳說，類皆草萊初闢時代之遺傳，頗有趣味也。

杭州四郊之地文與地質頗可說明此地古史之背景。杭州城南北四公里半，東西二公里七，羣山環繞其西，狀如灣月，城居灣口，西湖居其中，錢塘江臨其外。此羣山嶺何所起乎？曰皆山南嶺餘脈之仙霞天目等山蜿蜒而來，至市西入境爲靈隱天竺，更分爲南北二支，北支延爲北高峯玉泉山砲台山秦亭山棲霞嶺葛嶺寶石山及西湖中之孤山。南支東延者有白雲峯獅子峯南高峯大頭山大慈山玉皇山九曜山南屏山，入城而爲吳山。以言地質，今西湖北岸之山，自保俶塔而西，總稱曰葛嶺，拔海一百二十公尺，山形奇突怪石壘壘，與隣近諸山異。石中有石英微粒，閃爍若有光，其東端且有赤綠碧玉，故俗呼曰寶石山。山之南端渡湖爲孤山

。此皆火山岩流與噴出岩塊積成之厚層，復被侵蝕風化所致，其地層屬白堊紀，西湖有此地層僅此而已。葛嶺迤西接北高峯，飛來峯，天竺山，南高峯，丁家山，折經九曜山，玉皇山，南屏山，紫陽山，而至於萬松嶺及吳山城隍廟一帶之丘陵，皆二疊紀糖霞灰岩所成；而此外之山脈則屬泥盆紀砂岩層。前者之地層環峙湖之南西兩面，峯之高者輒在二百三十至三百五十公尺之間，使吳山萬松嶺外之狹長江干地帶迫臨於大江。在新生代第四紀更新期將末時，江流沿岸與邱陵之間往往有赭土充填，久之乃成堦地，今六和塔附近所見者，卽其一例。約當冰河期之末，海水普遍上長而內侵，止於山陵邊緣，於是海濱低地及江河下流悉遭沉沒成爲海洋。天目山與皖浙界嶺之間成爲大海灣，天目山與杭州以西諸山之間亦爲一大海灣，而錢塘江與揚子江各有泥沙輸送入海，經海浪之捲陶淤積於岬前與灣口，間且填塞而封閉之，內部之水乃變成潟湖。此沉積作用歷久之後漸有陸地浮露海面。至人史時期之初，杭州灣之沙灘與水下沙洲，仍有巨大遷移之變。自秦漢至十一世紀宋時，錢塘江水道自今南星橋附近直向正東至今海寧縣境高陽山一帶始入海；嘉定十年之捍海塘，規模宏大，唐貞觀四年及開元元年均曾重築之，

但此中古水道今已成爲陸地矣。不唯如是也，由今澈浦直伸東行至東海中之玉盤山島之杭州灣洋面，乃上古至唐開元卽公元八世紀間浙東之海岸線，其陸上曾有巨邑曰顧邑城，約當今湯山燈光山以南洋面。稍偏其南尙有望海城者，建於唐開元五年，後復於其西建後期之望海鎮，公元一千年時尙存，至宋時全部陷於海焉。因於濱海陷溺之故，今海鹽縣沿岸多處會有春秋時代陶片之發見。滄海桑田，自古已然。由於地質時期長久之沖積作用使我國揚子江下流之數口，（或云公元始期時有三口），成爲今日蘇浙大平原。今日杭州沖積平原與杭州灣大致亦如是形成，其所予杭州之兩大特殊景色，一曰西湖，一曰錢塘潮湧，是也。

西湖原爲小型海灣，已如上述，灣口既經沙堤阻塞乃成潟湖。杭州傳說古代湖海相通，今西北岸大佛寺內之大佛頭石，相傳爲秦始皇泊舟之處，故稱曰『秦始皇攬船石』。時杭州半在水底，而原始（秦初？）之錢塘城乃建於今靈隱飛來峯一帶之山坡上，亦以地臨海灣而有舟楫之便故也。觀乎此則可知直至人史中古之世，杭州沖積平原海潮爲患之仍烈，非無因也。

杭州海潮之患，歷千餘年至吳越錢武肅王建塘後始息。此中有不少佳話。相傳春秋時伍子胥累諫吳王忤旨，王賜鏃劍而死。自殺之日，戒其子曰：抉吾目於南門，以觀越兵來伐吳，以鮭魚皮裹吾屍，投於江中，吾當朝暮來潮以觀吳之敗。自是錢塘江潮汐洶涌，高數百尺，朝暮再來，其聲震怒，雷奔電激，聞百餘里。吳人哀其慘死，憐而祀之，建祠於今吳山（卽城隍廟山）上，名之曰胥山。越臣文種誠於越而伏劍於山陰，越人哀之，歸葬於重山，一年後，子胥從海上來負種俱去，游夫江海。故杭人視潮水之前揚波者爲伍子胥，後重水者文大夫種也；更傳時見子胥乘素車白馬在潮頭之中。五代梁開平四年八月錢武肅王鏐築捍海塘，時怒潮急湍，晝夜激盪，版築不就。王表告於天曰：願退一兩月之怒濤，以建數百年之厚業。禱吳山子胥祠曰：願息忠憤之氣，暫收洶湧之潮。函詩一章置海口云：傳語龍王并水府，錢塘借與築錢城。因採山陽之竹，令造爲箭三千隻，羽以鴻鷺之羽，飾以丹珠，鍊剛火之鐵爲簇。旣成，在候潮門，用葦敷地，分箭六處，祭禱曰：鏐以此丹羽之矢，射蛟滅怪，竭海枯淵，千精百怪，勿使妄干，惟願神君佐我助我，令我功行早就。禱畢令強弩五百人以射潮頭，人用六矢，每潮

一至，射以一矢，射至五矢潮乃退。王令埋餘箭於候潮門浦濱，鎮以鉄幢，誓云：鐵壞此箭出。又破大竹爲籠，長數十丈，中實巨石，取羅山大木長數丈者植之橫爲塘。又以大木立於水際，去岸二九尺，立九木，作六重，由是潮不能攻，沙土盈積塘岸益固。自是杭州無土地被浸蝕之患，而滴衰之地盡成沃壤，民食有賴。考唐以前杭因潮患，水泉鹹苦，刺史李泌爲鑿六井，民始足用，今中正路非亭橋畔大東書局前，尙存此井遺蹟一處，路過時請注意之。

杭州城原在靈隱山麓，乃錢塘故城。漢魏之世今北郊錢塘門一帶已成都市，故會建城爲治。

今杭州城則創建於隋陽素，週圍卅六里餘。錢武肅王時命築新夾城，環抱包氏山及秦望山而迴凡五十里，皆穿林架險而築，南至今之六和塔，西至今之雷峯塔址，北至今之艮山門外無星橋，城形南北展而東西縮，故曰腰鼓城，所關十門，有朝天門者在吳山下，後改名曰鎮海樓卽今碩果僅存之鼓樓。王又發民夫二十萬及十三都軍士築羅城，自秦望山東亘江干及錢塘湖等，周七十里地盡入城內。南宋遷都臨安，增築禁城，今之候潮艮山清波等門之名始於此。旋復築自艮山門

至螺螄門以東，視舊則拓開三里，而絡市河於內；自侯潮門以西則縮入二里，截鳳山於外。明太祖起兵時，杭守將潘原明以城內附，遂因之爲省城；而有清泰，錢塘，武林等門之名。清初防倭寇，曾大事增修，然大體仍舊。民國初年拆城爲路，今殘存遺跡不多矣。

運河與萬里長城爲我國兩大工程奇蹟，亦地球上之偉觀。運河北起北平東郊之通州，南止於杭州，而聯運至紹興。查運河自嘉興南下，至杭州市北郊西鎮經拱宸橋而入城，西鎮爲隋煬帝江南大運河之初站終點，其水面之寬深，頗足代表我國文化及人力之偉大，蘇常嘉湖上海各處商船皆經此直達杭州。城內運河水道數條如鹽橋運河，菜市河即河東運河，市河，西河等皆是。蘇軾知杭時，曾濬城內運河，分受湖水江潮，並造堰閘，以時啓閉，民甚便之；東坡不朽殊不盡在蘇堤煙水間耳。

西湖原名錢塘湖，歷代山傳說及文人之追加，故有明聖，金牛，石涵，放生，西子，高士，西冷，銷金等湖之稱。唐以前無聞。白居易任杭州刺史時，始築堤捍湖，鍾洩其水以灌溉北郊平原，無異一大水庫。錢武肅王重水利，置撩湖兵

千人專司開濬。蘇軾時亦爲灌漑計，大事修整，積葑草爲堤，橫跨兩岸，植柳夾道，成爲勝景。南宋建都杭州後，冠蓋雲集，笙歌金粉，繁華爲國中冠，盛名始傳遐邇。清初康熙乾隆兩帝先後數幸，遂益噪。太平天國亂中，勝蹟悉遭毀壞；數十年來次第恢復，今且馳名全球矣。今湖週三十餘里，面積約十六方里餘，北西南三面環山，谿谷縷注，下有淵泉，潏而爲湖。白堤聯絡大陸與孤山，分斷內外兩湖。湖水視甚淺，然積泥甚厚，莫測底之深淺，俗有香灰泥之稱。欲視全湖形勢，莫如登葛嶺之巔。

一般論西湖風景名勝者，輒分之爲若干區，例如沿湖、孤山、葛嶺、北山、南山、吳山、江干、西溪、城市各區。宋畫院祝穆馬遠創『西湖十景』名目，曰蘇堤春曉，雙峯插雲；柳浪聞鶯，花港觀魚，曲院風荷，平湖秋月，雷峯夕照，三潭印月，南屏晚鐘，斷橋殘雪；康熙帝南遊時，各賜御題勒碑，十景之名籍以不沒。他如元人之錢塘八景，清儒之西湖二十四景，近人之西湖四時，今日視之多，皆未盡洽切。

西湖名刹中歷史年代最早者如靈隱寺，創建於晉；清澗寺建於南齊，淨慈寺建於後周，定慧廣化鳳林等寺皆建於唐，吳越遺物則有寶俶塔，夕照韜光理安等寺。凡此種種皆千年左右之古蹟也。

二 遊覽行程與應看何物

關於西湖遊覽行程，坊間導遊指南等書所擬之方式紛多，可資參考斟酌。本章之建議，乃以遊客最多僅有一二日逗留者爲對象；故欲其能於短促時間內，盡量遊覽最多處不可不看之名勝古蹟也。此種要省時力而求最低限度之行程，誠不易定，更無法能使人完全滿意；遺漏不周，勢所難免，尙請鑒諒。倘遊客能久留而繼續遊覽者，可照本章所暗示者，擴而大之。各名勝古蹟之說明，請參閱下章簡志。

遊覽西湖者，無不以先觀湖上風光爲快，故輒欲以泛舟爲急。泛湖玩水以湖濱路第一二碼頭爲出發及回抵點，雖曰廣漫可玩，但至少應遊三潭印月，湖心亭，而至孤山島之中山公園一帶登陸。僱舟費用，近市政府有規定，懸牌碼頭上，可一查之。尙有充裕時間可由三潭印月向西航過蘇堤之橋遠遊蔣莊劉莊等處。

若遊客欲兼有遊湖及覽勝兩益者，莫如於清晨趕乘永華公司之公共汽車，由

中正路商務印書館左旁之該公司總站出發，直往最遠之靈隱寺飛來峯三天竺一帶遊覽。或可登韜光北高峯。歸途順便至玉泉清澗寺觀魚，折返岳墳瞻謁武穆陵廟，然後步行經秋瑾女俠墓、蘇小小墓，過西冷橋至孤山島參觀廣化寺，西冷印社，（樓外樓等名館在此可供午餐），省立圖書館看四庫全書，中山公園，（或下後山觀林和靖墓及放鶴亭），西湖博物館，（或平湖秋月）。在中山公園前可僱舟泛湖直往湖心亭三潭印月，（或蔣莊劉莊），直返湖濱路碼頭回寓。此行程可於一日內完之。

第二日行程。（甲）或由白堤頭之昭慶寺下車，遊覽裏西湖之大佛寺，寶俶塔、葛嶺初陽台，黃龍洞，紫雲洞，棲霞洞，香山洞，而至岳墳。（乙）或在英士街乘公共汽車往錢江邊之六和塔（或更遠之九溪十八澗），遙望錢江大鐵橋。歸途至虎跑寺下車，一看該寺，若有時間，可步行至四眼井攀登玉皇山，看福星觀，改由大道下山，至紫來洞，遠看山下平原之八卦田及江干海灣。下山後二三里至大路，或可順便看雷峯塔墟前之淨慈寺及夕照寺等，否則僱車入市回寓。入市途中左湖右山；山名萬壽，有城牆遺跡，南宋皇宮故址也；湖邊有唐宋回教教

墳園與柳浪聞鶯及吳越錢王祠。(丙)或山三天竺攀上龍井，翻過五雲雲棲至九溪十八澗，乘公共汽車返城。凡此皆可盡一日之遊。

遊客在城中遊街購物，勢必沿循中山中路而下行，蓋絲綢剪刀扇藥等舖多集中於此。路過三元坊時可順道一觀鳳凰寺，乃唐朝以來之回教寺，歷史勝蹟也。直盡街頭至城隍廟山下之大井巷，有吳山第一泉者亦著名古蹟。該山俗稱吳山，爲夫差時吳國最南之疆土，吳王曾登此山窺越。山上有伍公(子胥)廟及古剎甚多。足供半日之遊。

此外如錢塘江外觀潮，及攀山遠足，皆有時地氣候選擇之必要，故略。

三 杭州名勝古蹟簡志

杭州名勝古蹟甚多，本章祇限於上章行程上所經之著名者，加以扼要說明。
湖濱公園 今湖濱路爲昔城牆故址，民國初年拆城造路，並闢公園數段。園內有國民革命軍北伐陣亡將士紀念塔，陳英士烈士像，八十八師紀念塔。湖舟羣集於此，泛遊者皆由此。

湖心亭 在西湖中央，明時建。繞亭皆水，環水皆山，太虛一點，實踞全湖之勝，故『湖心平眺』爲西湖十景之一。

三潭印月 卽小瀛洲，爲十景之一。其南有三石塔鼎峙水中，相傳蘇東坡凌湖後所立，後毀；今塔乃明萬曆間重立。昔傳下有深潭底不可測，故鎮之以塔。

蔣莊 卽小萬柳堂，瀕南湖。其附近有『花港觀魚』爲十景之一。

劉莊 卽水竹居，爲粵人劉學詢所建，樓亭墳池均可觀。

斷橋 唐時已有之。昔橋上有柵，旁有『斷橋殘雪』亭爲十景之一。

白堤 舊傳由斷橋起迤邐經孤山麓至西泠橋止長三里餘，相傳爲唐白居易所建。

。白有詩云『孤山寺北賈亭西，水面初平雲脚底；幾處早鶯爭暖樹，誰家新燕築春泥。亂花漸欲迷人眼，淺草猶能沒馬蹄；最愛湖東行不足，綠楊陰裏白沙堤！』

平湖秋月 爲十景之一，康熙帝所建，立有御碑。於此觀月最爲澄潔。楹聯云『萬頃波平長似鏡，四時月好最宜秋』。

徐烈士墓 徐錫麟，紹興人，留學日本時熱心革命。以謀刺安徽巡撫與黨羽陳伯平馬宗漢同被害，併葬於此。

西湖博物館 浙江省立，創於民國十八年。館址包有文瀾閣（歷史文化部），王陽明祠（總務部），忠烈祠（戰利品所），聖因寺羅漢堂（博物教材室），太乙分青之室（地質礦產室）等。內容豐富頗值參觀，其中較爲希罕爲遊杭最值一觀者亦甚多，例如杭州古蕩及良渚等處所發現新石器時代之石刀斧器等及黑陶，及各地出土之戰國漢晉之陶甕等。文獻有古日本僧圓珍來華之護照影本，元明寶鈔，刻本，抄本，天竺山武則天石刻，太平天國文告，抗戰時代敵僞文告，及廿肅敦煌出土唐代蒙古文經卷；其與西湖史蹟有關之佛頂陀羅尼經，雲林寺羅漢

堂燼餘殘經，錢武肅王紀功鉄券，雷峯塔藏經及磚片，彩色西藏絹畫，明萬曆七年保俶塔頂銘等。生理衛生陳列室中有杭州出土之僞屍二具，皆明朝物。勳利品陳列室中有日本空軍撫順市愛國號戰鬥機之推進機殘骸，及日軍侵華所用之槍砲等。地質鑛產陳列所有浙江地層資料甚多。動物園中時有新增禽獸。文瀾閣前有『噴水魚洗』一具，狀如銅盆，用手掌力摩其兩耳可激起盆中水噴而鳴響，純物理作用，非神怪也。該館有出版物多種。

戚繼光紀念塔 峙立湖中，在中山公園對面。民國十八年西湖博覽會時建。抗日時代改今名，以紀念明末平靖倭寇之民族大英雄。

中山公園 原名孤山，清康熙乾隆兩帝遊杭時以此爲行宮，假山花卉池澤亭閣頗堪留戀。園後有路通放鶴亭。

放鶴亭 爲宋處士林和靖故廬。處士妻梅子鶴，墓在亭南。今亭建於元。

省立圖書分館 在中山公園左鄰，乾隆文瀾閣四庫全書今藏於此，極值一看。考四庫全書正本一部原藏於文瀾閣，咸豐時太平軍陷杭州，書多散佚，事後整補。民國十八年由文瀾閣移此。原本書首蓋有乾隆『古稀天子之寶』，書後『

乾隆御覽之寶』兩印。洪楊亂後補抄者則闕，嘉慶補賜者則有『嘉慶尊親之寶』及『夙聞詩禮凜心傳』兩印。四庫書皮顏色不同，計經部色綠，史部紅，子部藍，集部灰。館中現存四庫全書三六三一六冊，善本書一九三〇五冊，中有宋版『新刊名臣碑傳琬琰之集』及元明抄本板本，皆稀世之寶，值得一看。此外又藏古梵文貝葉經及清官刻木版十七萬塊。

西冷印社 祀清浙派印祖丁敬身。竹徑茅茨頗饒古逸之趣，爲書畫家勝會之所。上有漢三老石室，藏漢碑三段，爲不可多覩之古物。

廣化寺 唐時稱孤山寺。內有六一泉，爲蘇東坡所名以紀念歐陽修者。

俞樓 爲清俞樾講學之所，諸弟子所建，久廢，今改爲三層洋樓。

曼殊上人墓 在西冷印社後。蘇曼殊，爲近代名僧，以斷鴻零雁記等書聞名，曾入靈隱山著梵文典；民國七年卒於滬，友人爲葬於此。

空谷傳聲 卽巢居閣在放鶴亭左，相傳爲林和靖所建。登閣喧笑，滿谷應響，故名。今泛舟裏湖過此，試之不爽。

西冷橋 在孤山島西端盡處，接連於大陸。詩文中亦作西林橋，或西陵橋，卽

古之西村喚渡處。

昭慶寺

吳越錢王建，舊與雲林淨慈聖因稱四大叢林，洪楊亂時燬。今寺創建同治初年。

大佛寺

在寶石山麓，中奉大石佛，乃唐大佛寺故址。此地原名兜率，相傳佛

首爲秦始皇繫船石。

保俶塔

爲吳越王錢弘俶之相吳延爽所建，所傳爲王之寡嫂所俶入京平安而建

者誤。塔尖削倚天，故元代歐洲旅行家遊記中稱之爲「針塔」。

葛嶺

相傳晉葛洪葬此故名。山上煉丹台石洞中鑄其遺像。嶺巔有初陽台，俯

瞰全湖。舊歷十月朔清晨直望東方海際日輪初起霞光萬道，倏忽變幻，故有『葛

嶺朝暾』之目。

黃龍洞

亦稱天龍洞無門洞，舊傳有黃龍出現，故名。

紫雲洞

去妙智寺二三百步，棲雲嶺五洞，此爲最奇，峭壁嵌空，陰涼徹骨。

牛皋墓

在紫雲洞下里許。皋爲岳飛部將，爲秦檜毒死。其旁卽古劍關。

岳墳

卽岳王廟，祀宋少保鄂國忠武王岳飛。岳王本有忠佑廟在按察司左，本

廟爲南宋孝宗廢智果寺改建。民國十年浙督盧永祥修葺，雄麗煥美爲湖上冠，不可不展謁。院左『萬古馨香』內有翊忠流芳合祠，祀刺秦檜不中磔市之施全，及訟王寃論死之布衣劉允升，負王尸潛葬之獄吏隗順，與保王爭獄之韓世忠諸賢十二人。正殿奉王像，左廡爲張憲，右爲牛鼻。右門『一門忠孝』後爲啓忠祠，祀王父母，旁配王及妻，及孫珂，次女銀屏，外兩廡祀五子五媳。院外爲王墳，子雲附葬。階下左右柵內有跪像四，卽奸相秦檜與妻王氏，及誣罪獄官万俟卨（複姓音墨其）高，陷主叛卒張俊是也。前庭兩旁多歷代碑刻，對牆刻『盡忠報國』，爲莆田洪球所書。出門至大殿前院有精忠柏化石，相傳乃風波亭前之古柏，王被害時枯槁；實則爲中生代白堊紀松柏科之砂化木，距今已有一萬萬年左右，杭州西北郊有該地層。考北宋之末金兵陷汴，虜二帝而去，故高宗南渡以杭州爲國都。時宰相秦檜倡割地求和，而岳飛禦敵百戰百勝大破金兵於河南朱仙鎮，力陳和議誤國之非，因忤檜。檜忽矯詔以十二道金牌召飛班師，與飛舊部張俊共謀陷之。檜命何鑄鞠寃，飛裂衣示背有母舊刺盡忠報國四字，鑄察其寃白之。檜改命万俟卨鞠之誣其淮西逗留罪，韓世忠詰之，檜曰『書雖不明，其事莫須有』，

世忠駁『莫須有』三字何以服天下。』時爲紹興十一年十二月二十九日除夕，飛與子雲繫獄已兩月而桀無由結，檜乃小紙令老吏付獄中，遂報武穆死矣，卒時年三十九歲，被害地風波亭遺址在今北浣沙路第一監獄內，卽南宋大理寺也。岳雲張憲並棄市，幕屬從者六人，被害地在今聚安橋直街資福廟，南宋時爲棗木巷，里人祀之曰資福廟，後改爲忠烈二侯祠。武穆旣死，獄卒隗順負屍潛瘞於九曲叢祠，王素佩一玉環，順仍置之腰下，樹雙橋爲誌，將終告其子曰異日朝庭必求改葬，汝可告之，該遺址今爲忠顯廟在衆安橋下螺螄山扁担巷。孝宗卽位卽雪其冤，購求其屍，勅禮厚葬於今址，時爲紹興三十二年七月事，故知今墓乃眞蹟，非衣冠塚也。

蘇堤 宋元祐間蘇軾守杭州開浚西湖時積泥而成，接岳墳與南屏，夾道植柳，故有六橋煙柳之稱。東坡詩曰：『六橋橫絕天漢上，北山始與南屏通；忽驚二十萬萬丈，老葑席卷蒼煙空，』可謂描摹盡致。壓堤橋南之『蘇堤春曉』，與堤北跨虹橋右岳湖灣裏之『曲院風荷』同列西湖十景。

秋瑾女俠墓

在蘇堤與西泠橋間，清末設革命機關於紹興被害，死時年僅三

十三。

三烈士墓

爲革命先烈陶成章楊哲商沈由智葬身地。

武松墓

在西泠橋側，相傳卽水滸傳之武松也。

蘇小小墓

蘇爲南齊名妓能吟詠，古樂府有錢塘蘇小小歌，所謂『何處結同心，西泠松柏下，』指此。

玉泉清漣寺

舊名淨空禪院，建於南齊。今寺明宣德時重建。康熙帝幸此改名清漣，賜御書金剛經一部，大士像一尊。寺中有玉泉魚樂池，養五色魚。內院

有珍珠泉，蹈躑之則泉珠滾沸。

雙峯插雲碑

康熙帝御題，爲十景之一，在玉泉往靈隱途中九里松路旁。

靈隱飛來峯

飛來峯在靈隱天竺兩山中，一名靈鷲峯。晉僧慧理登此巔，嘆

曰此是中天竺國靈鷲峯之小嶺，不知何時飛來，因駐錫於此建靈隱寺，號峯曰飛來。時人不之信，慧理卽於峯口呼出黑白二猿，今白猿峯下呼猿洞是也。此峯中空外奇怪石森列，其下岩窟窈窕屈曲通明，壁間滿鑄佛像，傳爲元僧所爲，今多漫漶莫辨。峯頂有石梁一丈，有翠微亭在峯半，爲韓世忠紀念岳飛所建。靈隱本

爲山名，相傳許山葛洪會隱於此，故名。晉元和間僧慧理開山建寺爲湖上最古之刹。今大殿乃民國初年重建，宏偉莊嚴冠杭州。右有羅漢堂，民國廿五年燬。附近岩洞亭林頗可遊覽。

韜光北高峯 由靈隱寺後登山可達。韜光以創寺僧而得名，建於吳越時代。庵頂有石樓正對錢塘江外海，唐人有『樓觀滄海日，門對浙江潮』句，世稱『韜光觀海』以此。今有呂祖祠，後爲呂洞賓煉丹台。由此再上可達北高峯，遙對南高峯，所謂雙峯插雲者指此。峯頂靈順廟祀五顯神。由山下至此曲折三十六灣，高九百十餘丈。

三天竺 爲晉葛洪得道之所，有下中上三山，各有佛寺皆供觀音大士，舊曆六月十九俗稱觀音誕，杭人傾城而至。下天竺寺乃晉僧慧理所創，康熙時重建。中天竺寺乃印度僧寶掌於隋開皇間所創，乾隆帝幸此賜法淨寺額。上天竺寺爲吳越武懿王所建，香火之盛不下普陀，而宏麗尤爲三天竺冠。自此可東通龍井，南達五雲及九溪十八澗。

龍井寺 在風篁嶺下，去龍井里許，明正統間移建井旁，卽以井爲名。泉自深

山亂石出，甘冽異常。澗下八角亭可觀瀑。著名之龍井茶即產於此山。

南高峯 在九曜山西北，與北高峯對峙，覽浙江如帶，瞰西湖若杯。上有大洞

曰千人洞。峯上榮國寺創於晉。抗戰時山上多處曾被燬。

九溪十八澗 在龍井山南，合九塢之水以達徐村注入大江。其穿林繞麓并括細流不知凡幾，號曰十八澗。雨後水瀉若飛瀑。

五雲山 爲天門山支脈，相傳有五色雲盤旋山頂故名。山頂有真際院，吳越王建。

雲棲寺 吳越王建，上通五雲山，下達六和塔。石徑幽隘，萬竹參天，遊者評爲湖山第一奧區，所謂『雲棲梵徑』是也。

六和塔 在之江大學左旁，宋開寶三年建，以鎮江湖，凡九級高五十餘丈，後燬紹興二十六年重建，七級而止。有磴可登，環壁刊經佛甚多。

虎跑寺 以泉名。相傳唐時僧寰中在此開山建寺，苦無水，將他去，是晚夢仙語以南嶽有童子泉，當遣二虎移來，請勿他去。次日果見二虎來，泉遂湧出，而南嶽之泉從此涸矣。泉在定慧寺內，甘冽清涼堪與龍井比美，寺右通濟祖塔院，

建於民國十三年，刊記濟顛僧事蹟，卽世所稱之『濟公活佛』是也。近代大僧弘一上人李叔同，清季留學日本，民國五年剃髮出家，卽在此寺。

淨慈寺 在南屏山下，舊有十景之『雷峯西照』及『南屏晚鐘』二景。淨慈寺建於宋朝，相傳濟顛僧募化木料均由寺內之運木井源源而來，寺成餘木尙存井中，今日井底尙有圓木一段云。旁有塔院爲唐永明壽禪師之舍利塔，式樣西藏式，爲稀見之古蹟。雷峯塔建於吳越王妃黃氏，民國十三年坍塌。

柳浪聞鶯

爲十景之一，卽南宋聚景園舊址。

錢王祠

祀吳越武肅王，內有蘇軾表忠觀石碑。

玉皇山

玉皇山一作育皇山，原名天真山，亦名玉柱峯，土名蓬頭山，因福星

觀築於峯頂環植竹篁遠望若人之蓬頭也。屬龍山北支，拔海約三百公尺，地質屬二疊紀石灰巖層，但臨江之坡嶺則屬泥盆紀砂巖層。山半石皆雄秀，壁立尖聳，或由於太古爲海岸之故。據傳錢武肅王迎寧波阿育王舍利於此故古名曰育王山，爾時爲佛地，今則爲道院供奉玉皇大帝，而以玉皇天真爲名矣。登山之道有二。由郊外六和塔來者在虎跑寺或四眼井下車循小徑由後路登山，最後一段頗爲崎嶇

辛倦。若山市內前往則可乘車直到山門外之望仙亭而上山。相傳由亭望山，夜間每見有神燈仙杖，故名。亭內供朱天君，相傳卽明崇禎帝，殉國後杭人不忘故君，因託爲神靈以誌哀思。由此上山一路闢石板，步行尙便，至福星觀約有一千二百級。半山有慈雲道院，爲玉皇古宮，內有慈雲洞天爲吳越王所開。該處爲玉皇鳳凰兩嶺界谷，南行出江干，崖上有吳越國王題名四十九字。蓮花洞在嶺巔，深百餘步闊十餘丈，有錢王題名二十九字。下爲天龍寺，崖有太平興國六年所鐫心經。由慈雲道院直行上山至紫來洞，再上爲福星觀矣。麓下有吳越國文穆錢王墓墓右二里獅子山有忠獻王墓，年久失修，相傳爲清代某宦佔作新坟，被雷將其來龍打斷，故今稱其地曰天打斷，今人追念錢王功德前往憑弔者甚衆。紫來洞原名飛龍洞，爲紫東道人李理山氏所開，始更今名。洞內有洞，深邃異常，幽奇爲西湖各洞冠。相傳可通安徽歙縣，未可信也。由此俯視平原有八卦田者，乃在天龍寺下，中阜規之，四週如八卦舊名龜疇田，中有海寧陳國老之墓，或云國老卽清乾隆帝之生父云，待考。洞上有七星台，清雍正時浙督李衛以形家謂育皇爲繼龍之祖故杭多火患，乃置鉄缸七，周鑄符籙，深盈丈，埋其半於地，貯水滿之。

以爲鎮壓。由此往福星觀甚近。路旁有開山祖師蔣某墓，題曰金蓮正宗。福星觀建於山巔，頗爲雄巍，爲西湖道教第一勝地。觀門之內花房之旁有亭，中儲石盤，其形如台，上刻丹元子天文圖，據周禮環畫分野，據云因地文以測天文者也。觀內有日月池，亦雍正時李衛所鑿，與七星缸同爲鎮火災而設者。院西雙桂堂前有還丹井，欄上有銘記，相傳昔白玉蟾在此煉丹，其水清冽味甘可飲。玉蟾號瓊瑄，據傳其煉丹處卽今之丹亭；亭前有天一池，義取天一生水以水制火云。考山巔古有上天真寺爲後梁龍德元年吳越王所建，內有自然椅爲宋高宗御坐石，但今均不可考。附近有雲化洞，亦名登雲洞，東北遠望半山平地突起之玲瓏小峯卽蓮花峯。登樓四望，湖江萬谷千景均在眼底，心神爲之一快，不負道家所謂省會主山之形勝也。舊曆正月初九日俗爲玉皇誕，市民來進香者，絡繹不絕，途爲之塞。

四 杭州之宿食娛樂

旅客乘火車到杭，當抵城站時，可僱車前往旅館。但邇來旅店常有人滿之虞，最好預定宿處，可免臨時麻煩。倘能與中國旅行社等接洽，或較妥便。

宿

杭州旅館多濱西湖。洋式設備之最幽雅者莫如西冷 (LAKEVIEW HOTEL)。大華 (GRAND HOTEL) 蝶來 (TINY HOTEL) 三飯店，外國仕女多投宿之。

最上等者約有：

名	稱	地	址	電	話		
大華飯店		湖濱路五號		一七一〇		金城飯店	延齡路二〇二號
西冷飯店		西冷橋堍		(一一三〇)		清泰第二	仁和路三九號
蝶來飯店		西冷橋堍		一六三八		滄洲旅館	英士街一三二號
西湖飯店		湖濱路		一三八一		中湖大飯	湖濱路三八號
杭州飯店		湖濱路八六號		一二三六		店	(一九二五)
							(二六一〇)
						新新旅館	裏西湖四十號
							一二〇八
							一二四四
							一二四五

青年路基督教青年會有會友招待所，但非營業旅館可比，若爲會友，亦可投宿，但祇限男性，而常有人滿之患耳。

食

杭州食譜頗多足稱者，遊客遠至，諒必以一嚼爲快。醋溜魚，魚生，蓴菜，湖蟹，湖鰻，江鮭，豆豉魚，醉蝦，水鳧，家鄉肉鳩筍，魚頭豆腐等，啜以紹興酒，甚快朵頤也。醋溜魚以西湖樓外樓，杏花村等館爲有名，皆用草魚，籠養湖中備客點擇，每尾以尺許者爲最宜。煮時去鱗不用水洗，乾布揩淨污漬，投沸水中，一滾取出，另製油醬醋羹撥加其上，故極鮮嫩。相傳此種烹調法傳自南宋之宋五嫂，備蒙皇帝贊許，稱爲五嫂魚。（按武林舊事，宋淳祐間，每逢德壽三殿幸遊湖中，小舟時有宣喚賜予，汴酒家婦宋五嫂善作魚羹，嘗經御賞，人競市之，至是僑寓蘇堤，遂成富媪。）魚生亦稱醋魚帶鬚，即以魚尾以上之下肚（極肥嫩處），批成薄片，以蘆油鹽及薑末調之而生食。蓴菜以西湖產爲最好，入羹者以葦上最嫩之葉芽爲佳，惟須用鷄湯火腿湯或鱸魚湯，不可覓得過度，務使菜綠湯清，配以火腿絲，則色香味均甚可口。食此以春季爲佳，最爲鮮嫩。湖蟹乃西

湖名產，色青而肥，僅深秋時有之，且所產不多，應防胃混。湖鰻亦以西湖產者爲佳，每年秋風起後，江鰻甚多，箸之湖中二三週後，則脊黑而肥，美與湖產同，江鱒鱗白如銀，以產於六和塔邊錢塘江者爲最佳，以上好之火腿清蒸之，味極鮮腴，惟暮春時獨有之。豆豉魚之煮法，乃將湖魚烹調時搗以豆豉，故魚帶酒氣，別具風味。醉蝦亦名搶蝦，乃將活蝦剪去鬚脚，活浸以酒及醬油，用碗蓋住，食時和以薑醋或甜醬，別饒風味。水鳧卽湖上水鴨，以醬油紅燒爲佳。家鄉肉鳩筍，亦爲特味；查杭筍素負盛名而家鄉肉（卽鹹肉）亦爲杭州特產，切爲小塊，鳩以春筍，以文火緩緩燒煮，及時而食。魚頭豆腐以大包頭魚之魚頭，用油煎熟，再以豆瓣醬和豆腐煮之，亦爲上菜。他如火腿及筍類，其烹法甚多，頗值嘗試，杭州菜館林立。素菜館多供香客，市區沿湖及各寺院多有之；玉皇山福星觀亦佳。茲將著名菜館列表於下：

酒菜館

名稱	地址	電話	話
樓外樓	外西湖三六號	二二六三	多益處
			延齡路二二號
			一六六六
			太和園
			外西湖二九號
			一五六六
			杏花村
			岳墳街三四號
			二七五八

天香樓 教仁街七二號 一六五三

聚豐園 中正街

三義樓 仁和路一三四號 一七四七

冠生園 教仁街

西菜館

西園 教仁街

素菜館

功德林 延齡路二三七號 一二八九

名 稱 地 址 電 話

蝶來飯店 裏西湖 一六三八

青年會食堂 青年路四九號 一二七二

素香齋 延齡路

清真館

春華館 保佑坊

娛樂

杭州之越劇為地方本色戲曲，外省人士或值一看以廣見聞。杭灘亦名安康曲，為杭州特有土曲，亦值一聞。茲將杭市之大戲院列表於下：

名 稱 地 址 電 話

大世界遊藝場 仁和路八 二五七八

六號 二七二二 國際大戲院

延齡路二 一七六一

西湖大戲院 英士街八 二四〇〇

六號

大光明戲院 后市街商會後 一三五八

東南大戲院 東南日報二〇九五

天香樓電影院 教仁街七二號 一六五三

金城大戲院 英士街

市東劇場(越劇)慶春街

各酒茶館時有越劇演出。

杭州遊覽手冊

宿食娛樂

F.調 4/4 滿江紅 岳飛撰詞

3 5 5̣6 1 2 3 1 - | 6 5 12 3 5 | 2 - . 0 3 1 3 5 - | 1 5

怒髮衝冠 憑欄處 瀟瀟雨歇 抬望眼 仰天

6 3 2 - | 1 3 2 1 6 5 - | 5 5 6 3 3 1 | 2 . 3 2 - | 3 . 5 1 6 5 |

長嘯 壯懷激烈 三十功名塵與土 八千里路

3 2 3 . 1 - | 5 1 2 3 5 | 1 . 2 3 - | 2 1 6 5 - | 5 - 5 6

雲和 月 莫等閒白了少年頭 空悲切 靖 康

1 1 3 2 1 - | 6 5 6 1 . 2 3 2 - . 0 3 | 1 3 5 - | 1 5 6 3 2

恥猶未雪 臣子恨何時滅 駕長車 踏破了

- | 1 2 3 2 1 5 - | 5 5 6 3 3 1 2 . 3 2 - | 1 . 5 1 6 5 | 3

賀蘭山 缺 壯志饑餐胡虜肉 笑談渴飲 匈

2 3 1 - | 5 1 2 3 5 | 1 . 2 3 - | 2 1 6 5 - |

奴 血 待從頭收拾 舊山河 朝天闕

六 杭州之交通

永華公共汽車：由中正街井亭橋（即商務印書館左近）總站，經昭慶寺，白堤，平湖秋月，中山公園，岳墳，直至靈隱寺，沿途覽勝，乘此最便。

杭州市公共汽車：總站在湖濱英士街。由此分途。（一路）經清泰街至城站。（

二路）經裏西湖至玉泉（觀魚及游泳）。（三路）經東街路至寶善橋。（四路）經清波門淨慈寺，汪莊口（往雷峯塔壩）四眼井虎跑寺（可下車登玉皇山）錢江大橋，六和塔，之江大學，至九溪十八澗口。（亦遊覽要綫）。（五路）往笕橋。（六路）經清河坊，南星橋，至閘口電廠。該汽車局電話一三八七。

浙江省公路局公共汽車：總站在中正路延齡路口該局。（四路）經清波門，淨慈寺四眼井虎跑寺，（可下車登玉皇山）六和塔，之江大學，直至梵村，雲棲。（六路）經松木場，古蕩，至留下。該局電話一五八五。

出租汽車：可接洽者有中國旅行社（電話二五五五）。西子汽車行（二二九七）。

三共汽車行（二二〇二）。**東方汽車行**（一三五三）。

滬杭鐵路：（一）特快往滬上午四時二十五分。（二）金陵號經滬往南京上午八

時。(三)特快往滬下午四時。(五)特快往滬下午六時二十五分。杭州至上海全程一九〇公里。城站問詢處電話二七一六。

浙贛鐵路：(一)特快往上饒上午七時十分。(二)普通往衢縣午十二時。

(三)客貨往金華下午五時。杭州至諸暨全程九七公里。車站城站。

公路：(一)杭州至富陽(三七公里)。(二)京杭國道杭州至吳興段(九二公里)。(三)滬杭公路杭州經海寧至乍浦(二七公里)。(四)杭州經紹興至寧波(一九八公里)。(五)杭州經餘杭至屯溪(二四二公里)。

水路：(小輪船)：(一)自拱宸橋沿運河至德清吳興。(二)由江干第一碼頭溯錢塘江經桐廬富陽至蘭溪屯溪等處。(三)由西興沿運河至紹興。

郵政：總局在城站，支局在中山中路，忠清巷，寶善橋，龍翔橋。

電報：總局在惠興路。查詢電報電話規章電話一〇一三，其他業務二〇二〇。

電話：總局在惠興路電信局。查問電話號碼及標準時刻請查電話〇四。長途電話請查電話一五〇一。

旅行社：見上「出租汽車」條。

六 杭州之特產

杭遊既罷，諸君其欲採購本地特產而去，以爲饋送紀念之品乎？爰特臚舉要目，附介紹一二名鋪；詳情請隨時調查，本文恕未能盡。

絲織品：杭州自古以產絲名，綢緞紗羅紡絹絲綫等種類甚多，極負盛名。購買處如九綸綢緞局（中山中路三八五號）。高義泰綢莊（中山路三四〇號）。震旦絲織公司（刀茅巷二十四號）等。

錦緞：乃用各色絲交織之台毯，椅墊，背墊，用於西式器具，圖案爲東方藝術。花燈巷祥源綢緞廠專製之。

絲織風景：爲杭州現代特產，名聞環球。購買處：都錦生（教仁街一〇四號）。啓文（仁和路一五〇號）等。

食品：（一）藕粉，白而細潔，眞者呈淺粟色。（二）蓮蓬。（三）山核桃，分炒熟，鹽炒，糖塊等，味佳。（四）香榧，以雙烘，椒鹽爲佳。（五）九製橄欖。（六）粟。（七）菱。（八）筍乾。（九）蕪菜，產三潭印月，裝瓶者歷

久味變。(十)松子糖。(十一)青梅。(十二)麻酥糖。以上各物向食品舖購。如方裕和(中山中路竹齋街口) 顧香齋(清泰路三八五號)等。(十三)火腿，家鄉肉，向萬隆腿棧(清河坊)，金華火腿公司(中山中路一二八號)等舖購。(十四)腐乳。(十五)紹興酒。

龍井茶，杭菊，桑芽，均極名貴。購買處：翁隆盛(中山中路一〇〇號)，方正大(中山中路三四三號)等。

扇：以香木扇馳名國際，外國仕女亦競尚之。購買處：王星記(中山中路)，舒蓮記(中山中路)。

天竺筷，竹籃，手杖：購買處：王老娘(城隍山脚大井巷)坊間亦多有之。

剪刀：以張小泉或張小淥爲最有名。據云城隍山脚大井巷之張小泉近記爲明末傳今之老店。中山中路開元路口老雙井記出品亦頗精美。

紙傘：(大井巷三陽泰號等)。香木佛珠(各寺院皆有售賣)。

香粉(清河坊孔鳳春等)。筆(三元坊邵芝巖等)。烟(清河坊密太昌等)。藥物(胡慶餘堂葉種德堂萬承堂等)。

七 杭州之基督教

歷史 基督教何時傳至杭州，不可考，但知自第七世紀後，景教盛行中國，確會傳至杭州。鎮江景教主教會於一二八一年在杭州建教堂及修道院一所，馬可孛羅遊杭時，會蒞堂禮拜，親視盛況，此卽史乘上所謂元僧耶里可溫所建之十方寺是也。旋天主教 FRANCISCAN 教士 ODORIC 等來杭，創立杭州天主教始基，自十四世紀初葉後，會務頗盛。明太祖旣得天下，詔禁外教，故天主教亡，而景教亦消滅無餘。上述之古十方寺故址，明嘉靖間吏部侍郎謝丕改建爲三太傳祠，四百年來聖址竟被湮沒無聞，直至近年北平輔仁大學歷史教授方豪司鐸發明其事。一九四二年杭州聖公會廣濟醫院院長蘇達立博士證實後，此中古盛蹟始得重彰。該址在今清泰街。十六世紀末，耶穌教士 RUGGERI 率利瑪竇等四人由粵來浙，開教紹興，但至一六一一年，意籍教士郭居靜 (CATTANEO) 與比籍金尼閣 (TRIGAUDT) 在杭開教時，杭州天主教會始奠成立之基。杭州天主教徒中之著名者：如宰相李文藻，翰林楊洪園 (字筵筠)，皆一代顯要。楊洪園故居原爲佛寺

，氏獻於教會，以建禮拜堂，即今天漢州橋天主堂原址也，今杭州天主教中小學校均以洪園筵筠名者，紀念先賢也。今該堂外大門亦爲當代（康熙）原物。若輩元勳多皆身故杭州，葬於北郊大方井，今爲著名史蹟，頗值憑弔。雍正初，教禁極嚴，一七三〇年詔改杭州天主堂爲天后宮，嗣航海女神，直至一八六一年田類思主教（Delapierre）始克收回。當日改建天后宮之碑，今尙保存於堂中。

改革宗基督教之傳入浙江，係五口通商以後事。查最初傳入浙江者爲美國長老浸禮及英國浸信三教會，時一八四三年，地點在寧波。一八五五年英聖公會及美長老會皆派教士來杭州研究設立教會問題。一八五九年一月英聖公會之包爾騰（BURDON）與美長老會之 J. L. NEVILL 兩教士先後由上海及寧波來杭，是爲杭州教會之胚胎。包氏租居杭州城內 NEVILL 則住郊外六和塔。時因天津條約換文等波折，排外風潮起，兩教士先後被迫回鄣，一切工作陷於停頓。旋太平軍興，杭州三陷重圍，殺戮焚劫甚慘；事後包教士回杭，幾無由尋覓其故居原址。一八六四年十一月杭州聖公會教友籲請寧波教會派員前來復興工作，遂有慕嘉穀教士於是年冬應召而來。長老會亦於同時重整杭州佈道。自是始奠立今日杭州各教會之基礎。一八六七年美南長老會教士 E. B. INSLER 氏，一八六九年美北浸禮

會教士 KREBER 氏，先後蒞杭。其後內地會等來者漸多，繁衍於今。

宗派

杭州基督教會素稱發達。傳教團體除天主教外，改革宗方面計有中華

聖公會，中華基督教會之南北兩長老會，北浸禮會，內地會，中國耶穌教（自立）會，基督徒聚會處，太平洋佈道會，基礎浸禮會，靈糧世界佈道會，基督復臨安息會等。各教會之事業頗多可觀。天主教之佈道及醫院均有光榮歷史。改革宗方面，聖公會則以醫院為著名，美國南北長老及浸禮會則以教育事業為特色，著名之之江大學，蕙蘭中學，弘道女中，皆是。他如佈道救濟等，均多可述，百年來對於杭州社會之貢獻功蹟殊不小。據民國三十六年十月調查，杭州市基督教會之主要統計；天主教方面有受封聖職之中外籍司鐸五人，大小教堂五所，教友三千餘人；改革宗方面之十一宗派合計，共有受職牧師二十三人（內英美籍十人），大小教堂二十五所，教友約四千人，最大之禮拜堂教友約四百餘人。茲將各宗之概況略述於下，祇因勝利後百廢待舉，統計未周耳。

天主教

即公教會 (CATHOLIC CHURCH) 是也。其光榮古史略已論及矣

。當五口通商之前，海禁方嚴之時，法國之 LAZARIST (即 VINCENTIANS) 傳

教會以再接再厲之信毅，在杭州恢復傳教舊觀，至今不懈，頗堪敬佩。今該教會之杭州總主教梅白倫博士 (MOST REV. J. J. DEYMIER, C. M. ARCHBISHOP OF HANGCHOW) 爲浙江全省天主教會最高首長，轄寧波台州麗水杭州四主教區，共有教友十萬餘人。單就杭州主教區而言，計有大小教堂六十餘所，教友三萬餘人，中外司鐸六十九人，內歐美籍十九人，華籍五十人，女修士九十餘人，除外籍二十三人外餘皆華人；其有教士常住工作者不下三十六處。再限杭州市牧區而言，計有大小教堂五所，教友三千餘人，司鐸五人，女修士四十五人。總堂在中山北路天漢洲橋爲三百餘年來之古蹟。又有中學校二，小學校四，女修院三，孤兒院一，護士學校一，醫院一，卽仁愛醫院也。該院有病床二百餘位，醫師四人，護士二十餘人，各科全備，設施之完美，成績之卓著，久已有口皆碑；所收病人幾百分五以上爲免費施賑者，尤爲可貴。

中華聖公會 原爲英聖公會 C. M. S. 佈道區，民國元年全國中華聖公會成立時，改今名。首長爲主教高德斯氏 (Rt. Rev. J. CURTIS)，住杭州。主要教堂爲信一堂，在肅儀巷一號，創建於一八七一年爲杭州新教中最早之教堂；現牧區牧師宣綏降氏。分堂有下羊市街灣井街三號慕德堂，及西湖靜江路廿三號志

水堂，昔爲「綠湖茅舍」名勝，景緻甚佳。辦有馮氏女中，在紫金觀巷廿六號；信一小學在肅儀巷十六號；兒童主日學事務所，辦兒童救濟，在紫金觀巷廿五號。該會在杭最大特色厥爲廣濟醫院，始創於一八七一年，規模宏大，設備完善。總院在中正街四二五號，分院及癲瘋醫院均在松木場。院長爲英人蘇達立博士。總院有內外產婦兒眼隔離等科，最新式愛克斯光室，手術室，門診部，化驗室，病理室，藥房；附設高級護士學校，病理專門及藥劑專門兩科訓練所，皆三年畢業。院中病床二百五十位，醫師十八人，中英護士廿五人。松木場分院病床一百位，分肺病，骨癆，療養三院。癲瘋醫院創自一八八九年，有病床一百位，專門醫師三人。

中華基督教會 此爲杭州教會中教友最多者。原有事工屬美國南北兩長老會，於民國十六年全國中華基督教會組成時，始合併改稱今名。南長老會原辦最大之教堂爲法院路一號湖山堂，爲美國駐華大使司徒雷登氏之乃父司徒爾教士一九一七年所手建，曾身任牧師甚久，現任牧師邱金陵氏。又有天水堂，在中山北路天水橋，牧師錢楚雄氏；太平堂在東街路八〇一號，牧師金兆熊氏；城北堂，在湖墅大夫坊，牧師吳破我氏；拱宸堂，爲城北堂分支。北長老會原有之主要

教堂爲中正街三一五號思澄堂，舊堂原在皮市巷亦杭州一最早之教堂；今堂乃一九二七年新建，現任牧師范光榮氏。又有鼓樓堂在鼓樓布市巷口，今由萬克禮教士兼代牧職。南北兩長老會在杭所辦之教育事業，極爲重要；著名之江大學，弘道女中，皆其創辦者也，但弘道女中，浸禮會亦兼有之。之江大學歷史已逾百年，分文理工商三院，校址在閘口秦望山，面臨錢塘江，風景優美。弘道女中在學士街，馳名中外，現任校長周覺味女士。此外尙有小學，福幼園，救濟機關等，貢獻均甚多。

北浸禮會 主要教堂爲東街路一百號之民衆堂，所辦之蕙蘭中學即相毗連。該校爲杭州最大教會男校，規模宏大，成績優美培植人才尤多；現自高中至幼稚園，學生人數不下一千六百人，校長徐佐青氏，在任已三十餘年。該會參辦弘道女中，對於教育貢獻殊大。今浙滬浸會議會總幹事爲鮑哲慶博士。

內地會 在浙江之工作多在內地。杭州市區教堂有二所，曰崇一堂，在清泰街七五號，牧師陸臬聲氏；曰敬一堂，在下西大街十六號；又有洪春堂在洪橋爲敬一堂之支堂。該會昔有聖經學校一所，今改名曰華東神學院，乃與靈糧世界佈道會合辦者。該院分神科及聖經科二門，現有教職員十二人，學生五十二人，爲

杭州唯一之神學院云。

杭州教會尙有中國耶穌教（自立）會，成立於民國十六年，有教堂在西澆紗路二十號，現收師成蒙三氏，附設澆紗幼稚園一所。基督徒聚會處有二處，在領兒巷與閘口。基礎浸禮會之眞神堂在太平坊巷，所辦信望愛孤兒院，今在清波門。太平洋佈道會有福音堂在下羊市街一〇三號。靈繙世界佈道會，成立於民國三十四年，有靈繙堂，在民生路二十九號，現收師金罕氏；該會與內地會合辦華東神學院，培養人才不少。

各教會在杭州所辦之救濟機關爲數頗多，其較大者有車駕橋之福幼園，清波門之信望愛孤兒院，思澄堂之福幼園，太平堂之福幼園，中山北路之兒童保養院，皮市巷之培德幼女院，紫金觀巷之兒童主日學事務所等。

杭州基督教之社會教育服務機關，計有杭州中華基督教青年會，在青年路四十九號；杭州中華基督教女青年會，在開元路卅一號；及全國男女青年兩協會及基督教協進會合辦之杭州基督教學生公社，與基督教學生救濟委員會，均設於國立浙江大學內，但其工作兼及之江，藝專，醫專等校。湖墅大夫坊之新民社，係城北堂所辦，亦一社會服務機關，今有新民小學。

杭州基督教協會爲本市區各教會禮拜堂，中等以上學校，醫院，男女青年會等二十餘團體合組而成，其宗旨爲聯繫協進，誠杭州教會合作之樞紐。現任會長邱金陵牧師，會副宣綏降牧師，書記趙克文先生，司庫謝芸庭先生，通訊處中正街思澄堂轉。

注 意

杭州各禮拜堂星期日上午主要公共崇拜大概皆於上午十時舉行；間有三四較大之教堂於下午亦有敘集，皆二三時左右舉行。廣濟醫院禮拜堂國際英文禮拜時間則爲下午五時。

八 杭州中華基督教青年會

會址在杭州青年路四十九號 電話一二七二號

簡史：前清宣統二年（一九〇九年），杭州基督教人士倡辦青年會，上海全國協會乃派員前來考察。民國元年春，鮑乃德博士奉令來杭籌備。二年，設臨時會所於大方伯保慶醫院，敦請杭城知名之士十二人組織臨時董事部，公舉張葆卿醫師爲部長，在浙江都督朱瑞（介人）將軍指導之下，獲得今地。三年二月十二日日本會正式成立，先後蒙杭州綢業公會捐建四周圍牆及運動場，及中外熱心人士慷慨捐助，建築本會今四層樓會所，得於八年落成。十年十二月，鐘塔及健身房亦告竣。抗戰期間杭州淪陷，會所爲敵僞所佔，一切設備，損失無遺。勝利後，於三十五年秋，始慶復興。

宗旨：本會以基督之精神，聯合青年同志，推行社會教育，養成健全人格，現實完美之社會爲宗旨。（錄本會章程第二條）。

組織：本會基督徒會友所組成之基本會員大會，選舉董事十五人至二十一人組成董事部，主持全會大計。董事部下置總幹事，爲行政領袖。又設副總幹事，祕書，幹事等，分別進行會務。

事工：本會除總務部外，有下列各部，分司各種活動。

(一) 德育宗教部 本部除與各教會合作外，舉辦中英文查經班，聖經研究會，主日學，靈修會，退修會，座談，演講，監獄佈道，聖樂團，廣播，青年佈道，社會德育宣傳，團契大會，禮拜室，杭州基督教書籍代售處等，又常派員應請外出，在各地學校教堂演講。

(二) 智育部 辦有日夜補習學校，程度分初，中，高，大學四級；計有教職員十六人，學生六百餘人。另辦職業教育之英文打字，英文速記，簿記，普通會計，銀行會計，無線電信，汽車駕駛，測繪等班。雷登圖書室現分兩部，甲部新書千餘冊，乙部書庫，皮藏汪荪炎先生贈存之古書四萬餘冊，中多名貴珍本。此外又舉行定期中英文學術公開演講會（每星期至少二次），農村建設，工商經濟，時事問題，青年問題各種座談會，研究班，閱報處，英文雜誌室，浙江鄉土

研究、職業輔導，廣播演講，廣播英語教授，教育電影（與英美新聞處等合作），掃除文盲運動，國語研究會等。

（三）體育部 設辦網球場二，籃球球場各一，羽毛球場二，滑冰場一，乒乓球室，擲球，國術團，西洋拳擊，游泳，各種體育設施，分期舉辦各項比賽，及聯歡會，體育問題座談會等。

（四）會友（附學生少年）部 舉辦青年義務工作服務團，文藝學社，聯青社，歌詠隊，口琴隊，平劇，話劇，棋藝，郵幣，攝影，參觀，旅行，會友福利，杭灘社，會友聯歡等。本會之食堂，浴室，招待所，禮堂，閱覽室，理髮室等皆為會友而設，故尤注意改良與便利。又設乃德交誼廳遊藝室，專為會友享用。

（五）社會服務部 舉辦急病貸金，導遊社，升學指導，職業介紹，職業訓練，醫藥顧問，法律顧問，國貨推銷運動，農業指導，風俗改良，兒童救濟牛乳站，兒童義務學校等。

（六）編輯部 除「杭州青年」為本會經常會務刊物外，編刊「杭州遊覽手冊」，專書等。

（七）國際聯誼部 宗旨為聯絡來杭外賓，及本市外國人士以促進邦交。先

後舉辦者有協助恢復杭州扶輪社，並倡辦國際通信交友社，國際通訊，聯絡海外浙江籍華僑，招待來杭之外賓及華僑，並為傳譯導遊等。

外埠或華僑及外國人士之來杭遊覽者，倘需本會幫忙時，無論導遊，旅行傳譯，採購紀念品等事，本會均樂盡力之所能及而竭誠服務。本會社會服務部與其所屬之導遊社，及國際聯誼部等，均有專員辦理其事，而導遊社及圖書館特蒐集不少有關於杭州遊覽及研究浙江史，地，文學，藝術，考古，民族，經濟，商，農，掌故，等新舊志書，中英資料等，其中一般之部，在會客廳中陳列展覽，均便參考。本會之食堂，浴室，理髮室，招待所，及各種活動，原為本會會友而設，但對國內外各地各國基督教青年會之會員等，亦均優待歡迎。本會為基督教社會服務及社會教育機關，亟願與各方聯繫協作，以培植國民健全人格，促進國家之建立，社會之進步。如蒙賜教，指導，匡扶，則尤感盼不置也！

抗戰勝利後本會復興，即民國三十六年度之董事部會長為雷法章先生（現任浙江省政府委員兼祕書長），副會長為李培恩博士（現任之江大學校長）及徐佐青先生（現任蕙蘭中學校長）。總幹事為王揆生先生。

九 杭州簡要地址錄

重要聲明

本錄旨在予遊客最簡便參考，故祇擇其最要者分類錄之。他如旅館食館戲院則詳第四章，商店詳第五章，旅行社汽車行交通詳第六章，請翻閱之。

政府方面

名	稱	地 址	電 話
浙江省政府		梅花碑	一八四五
浙江祕書處		梅花碑	一五五五
浙江民政廳		梅花碑	二二一九
浙江財政廳		梅花碑	一三四九
浙江教育廳		梅花碑	一四七〇
社會處		開元路	二四九六
省訓團		將軍路	二〇三五
杭州市政府		聖塘路	一一七五
浙江省黨部		民權路	一三九〇
杭州市黨部		西浣沙路	二五〇五
青年團浙江支團		柴木巷	二一四〇
警保處		上倉橋	一〇八四
杭州憲兵隊		板橋路	一五一九
杭州市警察局		太平坊巷	二二二〇
省參議會		民權路	一三四六

市參議會

學士路

二五〇四

監察使署

靜江路

一八〇二

高等法院

法院路

一七三二

地方法院

法院路

一五五七

浙贛鐵路局

靜江路

一〇九五

浙江公路局

中正街

一五八五

杭州電信局

惠興路

二〇〇〇

浙江郵政管理局

城站路

一二五八

社 團

省新聞記者公會

竹竿巷

市新聞記者公會

竹竿巷

外勤記者協會

東南日報社二六一七

省教育會

英士街

省婦女會

佑聖觀巷

市婦女會

館驛後六號

市作者協會

民權路

杭州市商會

中山中路

一三六八

杭州市總工會

舊藩署

一二八八

報 館

東南日報

衆安橋

二六一七

工商報

中山中路

二五一〇

正報

清泰路

一〇七二

大同日報

中山中路

一六四七

民報

開元路

一四〇二

天行報

延齡路

二四九二

當代晚報

謝麻子巷

二七三三

西湖晚報

石貫子巷

一二六九

基督教方面

- 杭州中華基督教青年會 青年路四十九號 一二七二
- 基督教女青年會 開元路 一七八一
- 基督教學生公社 浙江大學 一五三六
- 聖公會廣濟醫院 中正街 一二五〇
- 美長老會萬克理牧師 車駕橋五福衛五號 一七一六
- 美浸禮會鄔福安牧師 長命寺巷四三號 二一八〇

教育文化方面

- 國立浙江大學 大學路 一四七五
- 之江大學 開口 一四三八

五〇

- 國立藝專 外西湖 二三二六
- 省立醫學院 性存路 一六四九
- 英士大學會計專修科 鳳林寺
- 空軍軍官學校 笕橋 一一〇四
- 復性書院 靜江路 一八五九
- 蕙蘭中學 東街路 二六九一
- 弘道女子中學 學士路 一二九八
- 馮氏女子中學 紫金觀巷 一六六五
- 省立西湖博物館 外西湖 一四九三
- 省立圖書館 中正街 一五六一
- 省立通志館 裏西湖 二〇九六
- 杭州青年館 湖濱路 一五三五
- 省立杭州民教館 湖濱路 一三六〇
- 省立體育場 行宮前 二四一五

銀行

中央銀行	中正街	一六六〇
中央信託局	中正街	一二四六
中國銀行	中山中路	一〇三九
交通銀行	中山中路	一二二九二
農民銀行	中山中路	一二二九〇
四明銀行	開元路	一四四五
浙江省銀行	中山中路	一三一二
郵政儲金匯業局	清泰路二 三七號	一三八二
醫院		
廣濟醫院	中正街四 二五號	一二五〇
仁愛醫院	刀茅巷一 七四號	一三一九
	病房	二三八〇

市民醫院

學士路十
四號 一八五〇

浙江醫院

勞動路一
二五號 二三三六

浙江省立醫院

權長壽路
二三號 一三五七

火警及盜警

吳山瞭望台 城隍山 二二五〇

消防隊 西浣沙路三八號 二二五九

中區救火會 萬安街西弄八號 二二八三

南區救火會 琵琶街二三號 二二八一

西區救火會 吳山路 二二八〇

東區救火會 鹽瀆缸巷口 二二八二

新市場救火會 吳山路一四四號 一九四二

杭州遊覽手冊 地址錄

市警察局督察處	太平坊巷	二二二二六
市警察第一分局	會館河下 二六號	二二三三二
市警察第二分局	蒙古橋	二二三三九
市警察第三分局	忠清巷	二二二四六
市警察第四分局	岳墳街五 六號	二二二五一
市警察第五分局	南星橋	一七二二五
市警察第六分局	艮山門外 灣兒頭	二二二五五
市警察第七分局	笕橋	二二〇七四
杭州憲兵隊	板橋路	一五一一九
中區憲兵隊	大學路	二六九〇
西區憲兵隊	延齡路一 二一號	一七二二一

火車站憲兵隊 五二二 城站 一八三二一

其他

名	稱	地 址	電 話
自來水廠		清泰門外 一〇八號	一八〇八
電汽公司		中山中路 一五號	一一五五〇 一一五八〇
杭州電廠		閘口	二〇〇四

注 意

詢問電話號碼及標準時刻請
打電話〇四（電信局問訊台
）；其他查詢二〇二〇

十書目

杭州西湖遊覽指南之書，種類甚多。最新而最簡明合用者有：（一）「杭州西湖導遊」，民國三十六年九月杭州中正街三六九號宋經樓書店出版。（二）「杭州導遊」，中國旅行社民國三十六年四月增訂第三版。（三）「杭州名勝導遊」，邢心廣編，杭州正中書局經售，民國三十六年四月初版。各書坊間多有售賣，價目以第一爲低，第三較昂。（四）中華書局民國二十六年出版陸費執所編之「杭州西湖遊覽指南」，對於西湖各風景區有詳細敘述，頗堪參考。（五）「杭州市民手冊」，李乃文唐錫疇編，民國三十六年七月上海中國文化出版社發行，除杭州掌故名勝外，甚多最近杭州官廳社團學工商界調查及時人略歷等，可供參考。

查遊歷杭州者不少文人學者，對於杭州及浙江之文化學術，或有研究探討之興味。杭州中華基督教青年會有鑒於此，特於所辦之導遊社及圖書館中蒐集此種圖書，不下二百餘種，另行展覽於會議室。本章所舉各書，該處均有之，可供在場參閱，但不出借。

關於浙江一般參考之書，其不可缺者有：（一）「浙江通志」（光緒二十五年本），商務印書館影印，四厚帙。（二）「浙江新志」上下兩冊，姜雲卿編，民國二十五年杭州正中書局發行。關於舊志書方面有：（一）武林舊事，（二）西湖志，（三）西湖志纂，（四）西湖新志，（五）西湖遊覽志，（六）西湖漁唱，（七）湖山便覽，（八）咸淳臨安志，（九）仁和縣志，（十）湖墅小志，（十一）靈峯寺志，（十二）餘杭縣志，（十三）吳山城隍廟志，（十四）杭州府志，（十五）天台山方外志，（十六）鄞縣志，（十七）餘姚縣志，（十八）普陀山志，（十九）南潯志，（二十）蕭山湘湖志，（廿一）黃巖路橋志，（廿二）南雁蕩山志，（廿三）東甌金石志等。近人所編者有（廿四）「靈隱小志」，釋巨贊撰，民國三十六年二月該寺版。（廿五）「孤山志」王復禮編，民國廿三年杭州六藝書局版。（廿六）「莫干山志」，周慶雲著，周延祜續補，民國廿五年上海大東書局版。（廿七）「錢塘海寧觀濤必攜」中附待月隨筆。關於掌故方面有南宋時代之（一）南渡稗史，（二）東河樞歌，（三）錢塘恨史；及明末清初之（四）西湖畫舫記，（五）張岱陶庵夢憶，（六）影梅庵憶語婦人集；皆杭

州六藝書局版。杭州宋經樓書店之「西湖佳話傳奇」及「西湖古今名勝楹聯大觀」，均可流覽。關於先哲鄉賢傳記方面如岳飛，蘇軾，錢武肅王，林和靖，方孝孺，舒璘，朱之瑜，宗澤，楊洪園等之年譜傳評，種類頗多。

杭州近年黑陶之發現爲我國東南上古文化研究上極重要之大事；西湖博物館施昕更著「良渚杭縣第二區黑陶文化遺址初步報告」（民國二十七年）爲重要之文獻。陳萬里在中華書局所出版之「越器圖錄」（民國二十六年），及「瓷器與浙江」（民國三十五年）；皆考古學要著。

英文關於杭州之著作物頗少，最著者（1）NOTES ON HANGCHOW, BY G. E. MOULE 一八八九年版；（2）HANGCHOW ITINERARIES, BY F. F. FITCH 一九一九年上海版，兩書今均罕見。法文杭州考古報告，內容豐富，但流傳甚少。

杭州省立圖書館，省通志館，西湖博物館，國立浙江大學史地研究室等，出有專刊，而其圖書館及蒐集品，尤多重要資料，有意探討者應注意之。

博愛
克己

人 格 建 國

非
以
於

基督教青年會是什麼？

會，所以中國的青年會是造成好國民的團體。就是青年父遺語。

願，以德育青年會是陶冶一般青年高尚的救國的志用愛，以樂羣的方去服社會（蔣主席語）。

他，以培基督的幫助人，為一個團體，並且養有決心，有忠誠，博愛，犧牲，肯幹，能幹。

（吳國楨市長語）。

青年會，現在培植青年的機關，在於宗教，能正人心，養人格。基督教尤為全世界宗教的宗日教，余深信杭州中華基督教。

瑞，以感化全杭州華基督教。

格，遵奉基督教之犧牲，精神，成爲人羣服務，培體羣。

會，旨在對善性靈，使每入，成爲個完的，社。

共，同努力，有所貢獻，希望各界，以贊助，俾得。

禮，上，演，詞。

A HANDBOOK FOR HANGCHOW SIGHTSEEING

BY REV. YEH HUA FEN,

Y. M. C. A., HANGCHOW, CHINA

OCTOBER 1947

中華民國三十六年十月初版

杭州遊覽手冊

每冊定價國幣

元

編著者 葉華葵

發行者 王煥生

出版者 杭州青年路四十九號
杭州中華基督教青年會
電話 一二七二

印刷者 杭州正則印書館
中山北路二十五號

售買處 杭州中華基督教青年會

• 不准翻印 •

24
500044
(3)

24

500044

(3)